

愚

齋

存

稿

愚齋存稿卷第三十七目錄

電報十四

寄東撫袁中丞

江督劉峴帥來電

寄江督劉峴帥

江督劉峴帥來電

寄張香帥

寄杭州劉中丞惲方伯

寄劉峴帥

劉峴帥來電

浙撫劉中丞來電

倫敦羅稷臣星使來電

浙撫劉景帥來電

寄濟南袁中丞專送京總署軍機處並寄粵江鄂三督
鄂督致李木齋駐使電

又

又

袁慰帥來電

張香帥來電

劉峴帥來電

李中堂來電

寄劉張兩督帥

寄濟南袁撫帥

寄杭州劉中丞惲方伯

寄濟南袁撫帥專遞京

寄李中堂

寄劉張兩督帥

又

張香帥來電

寄各省將軍督撫帥

寄劉張兩督帥袁撫帥

寄劉峴帥

柏林呂鏡宇星使寄江鄂兩帥電

寄李中堂

又

寄袁中丞

袁中丞來電

又

寄粵江鄂東皖閩各督撫帥

又

李傅相來電

寄甯劉宮保鄂張制台粵李傅相閩許制台濟南袁中丞

寄江鄂粵閩皖東督撫帥

寄杭州劉中丞惲方伯

寄蘇護撫聶仲帥

惲方伯來電

袁慰帥來電

鄂督寄東京李星使電

寄閩督許筠帥

寄江督劉峴帥鄂督張香帥川督奎樂帥

袁慰帥來電

王灼帥來電

劉峴帥來電

張香帥來電

寄東撫袁慰帥

寄福州許制台江甯劉制台杭州劉中丞惲方伯

袁慰帥來電

又

李傅相來電

英霍領事致江鄂兩督電

東京李欽使來電

寄粵督李中堂

寄江督劉峴帥鄂督張香帥

又

寄各國駐使

寄袁慰帥

寄劉峴帥

寄袁慰帥

又

劉峴帥來電

寄袁慰帥

寄北京慶親王榮中堂

劉峴帥來電

寄袁慰帥

寄福州善星源將軍武昌張香帥

寄劉張兩帥袁慰帥

美京伍秩庸星使致江督電

寄劉峴帥

劉峴帥來電

寄江鄂督帥

寄俄京楊子通星使

寄江督劉峴帥粵督德靜帥

寄東京李木齋星使

寄倫敦羅稷臣星使

俄京楊星使致李傅相電

寄蘇甯皖鄂清江濟南各督撫帥

劉峴帥來電

張香帥來電

倫敦羅稷臣星使來電

又

寄濟南袁慰帥

寄粵督德靜帥

寄江鄂兩督帥

寄美京伍秩庸星使

寄東京李木齋星使

寄俄京楊子通星使

寄袁慰帥

袁慰帥來電

寄袁慰帥

寄倫敦羅星使東京李星使

寄袁慰帥

鄂督致各省督撫電

劉峴帥來電

袁撫帥來電

劉峴帥來電

袁撫帥來電

寄袁慰帥

又

袁慰帥來電

李木齋星使來電

又

江督劉峴帥來電

又

張香帥致李傅相劉督帥電

寄東京李星使

寄張香帥

寄劉張兩帥

寄劉峴帥

又

寄劉張兩帥

粵護督德靜帥

浙撫劉景帥來電

福州善星源將軍致江鄂督帥山東撫帥電

劉峴帥來電

寄江鄂劉張兩帥

劉峴帥來電

美京伍星使寄江督電

愚齋存彙卷第三十七

電報十四

寄東撫袁中丞

光緒二十六年六月初八日

虞庚電已遵飭徐仲哲及各局照辦但徐不知到青否
請詢徐令呂電德外部語頗激烈峴已轉達青島德兵
似必先駐津京若裏外兼顧恐兵力不足粵閩浙長江
各省已與各國商定互相保護各領事詢山東如何或
以各國牽制一國何如但須先任保護各國商民盍與
峴香二帥商之

江督劉峴帥來電

六月初八日

有萬緊事件請台端今晚乘輪來甯初十晨到幸
勿稍遲切盼

寄江督劉峴帥 六月初八日

申急電悉領事復文未到同人皆謂不可走如事急而
來有益乞示

江督劉峴帥來電 六月初八日亥刻

事極緊急非面商不可復文一到卽請來甯無任
焦盼

寄張香帥 六月初九日

峴帥庚電有萬緊事件囑赴甯准辰上駛各領約十二

曾晤擬在甯留半日

寄杭州劉中丞惲方伯

六月初八日

初六白藻泰已電法外部謂浙江願戰初七錄尊電告
各領事白允照辦故電公請速復白領事一電允爲保
護庶可合拍

寄劉峴帥

六月初八日滬道余會電

示稿中兩國交際雖兵端已開句可否請易此次戰事
本非 朝廷意料所及使軍民人等見之較安乞鈞裁

劉峴帥來電

六月初八日

示稿卽請照改

浙撫劉中丞來電

六月初八日

浙省自接峴帥電力任保護卽通飭各屬並飭關道會商領事並無宣戰札文香帥示稿卽照刊楊道已電委並電知余道矣

倫敦羅稷臣星使來電

六月初九日

沙侯頃交說帖請轉電北京政府如各國使館或他洋人被害應將政府諸公抵償等語此電務乞達到俾復沙侯

浙撫劉景帥來電

六月初九日

白藻泰前日電詢能否保護卽經電復昨復電稱

甯波有謠言洋人驚恐請明告辦法今日電復力
任保護悉照江南辦法但請不派兵艦至浙江各
海口以免誤會驚惶並祈公轉致示稿昨已酌擬
發刊

寄濟南袁中丞專送京總署軍機處並寄粵江鄂三督
六月初十日

英羅使電沙侯頃交說帖請轉電北京政府如各國使
館或他洋人被害應將政府諸公抵償等語豐祿謹肅
云

鄂督致李木齋駐使電 六月初十日

承詢鄙意及辦法鄙意約有三條一望各國不攻京城匪亂自可勦平二望各國不驚兩宮天下人心自服三望各國停兵在津候李傅相妥議當易結束此鄙意也弟等當欽遵前奉諭旨聯絡沿江沿海及內地各督撫互相勸勉相機審勢力保疆土數語爲宗旨諭旨中既有相機審勢之責是則凡有關保守疆土者其事勢機宜當可隨時斟酌遵旨聯絡各省公同商酌辦理此辦法也與峴帥商意見相同謹奉復請婉致惟只可作爲私交談論不可作爲公牘切禱

又六月初十日

德怒已知但外兵斷不敢言入京救使前五日洞
又與峴帥會電榮相專請救使略言救使一人減
禍一分尙無復電此真天意人力恐難施矣奈何
再榮相前來電發端有兩國交兵不罪使臣之語
電中又以方擬會議轉圜德使忽斃爲大恨是榮
願保護各使之意顯然請告念劬

又六月十一日

北方兵事確非 兩宮本意今匪徒肇禍太蠻
外艦攻津亦太驟各國以公使被戕必盡其兵勢

所至今亂徒固不辯孰歐孰亞各國亦莫分爲匪
爲兵惟日本深知中國情形有共利共害之勢有
同洲同種之情必能諒其內亂解其外憂將來辦
法應與各國不同如伊藤能示以大意則南方督
撫辦事宗旨更有把握切望密詢示復

袁慰帥來電

六月十一日

現飭烟道與各領事商並在烟仿照南各省出示
派兵保護口岸至內地各洋人均派兵妥護送烟
暫避教堂仍飭屬保護並言明倘有猝不及防照
數認賠東省辦法如此倘在南洋不便商可作罷

論請酌達峴帥

張香帥來電 六月十一日並致峴帥

洋款事具奏甚難只可令上海道先與上海稅務司各國領事及匯豐商現在江海人心驚惶商貨減色各關局稅釐短絀實不能按月解足並微露內意擬暫緩各情許以暫緩兩箇月酌認利息恭譯 諭旨中本有暫字告以各銀行若苛責外省強以顯違 諭旨必致沿江督撫均行更換東南大局頓變彼此無益外國若強據海關東南大亂商稅更少矣彼既願保全商務或肯遷就亦未可

知請速裁酌飭上海道並請盛京堂與之妥商再看情形祈示復

劉峴帥來電 六月十一日

台旆往返煩勞感歉香帥真電想達覽此事關係太重苦思無良策能否照香帥電商辦務祈詳細體察妥籌辦理爲日愈近事機愈迫東南安危全仗大力不能不慎重出之祈速電復

李中堂來電 六月十一日

洋債多由稅司經手頃與粵稅司密商停緩一節彼謂切勿商領事銀行致風聲一漏各國民心必

亂緣股票散在民間以爲華失大信必求政府用
兵壓制是於害使臣外又加一大害語甚切直似
應仍照香帥原議婉曲會奏一面仍照常籌解所
謂宕字訣也乞酌

寄劉張兩督帥

六月十一日

今午回滬余道云因德領未遽允復文未來當卽向各
領再三開導既有去文若無復文兩督何以憑示各省
且今日必要復文以免誤會各領申刻會議美領擬三
稿德領只允簽覆文曰本領袖領事承各國領事之囑
答收貴道西歷七月初二日來文相應照復貴道請將

本領袖領事西歷六月二十七日函致費道卽視爲答復七月初二日來函之文理合照復等語據稱此復函意在聲明不收原議已在宣戰及德使事後難用重筆者因德係副領代理值德王盛怒不敢再請示耳餘由余稟

寄濟南袁撫帥

六月十一日

頃將眞電意告各領事囑電外部由烟仿辦各領會議復稱滬總領有權但山東匪起事處與直尤近已有教案辦理較難須將尊意如何辦法詳示再電外部弟想粵閩兩督皆自與各國議辦公已飭烟道與商自妥倘

烟領無此權公卽電南洋飭余道與議或仿浙江添派一道電語卽作文憑須備交閱

寄杭州劉中丞惲方伯

六月十一日

白藻泰復尊處電云照常派艦者不肯失其本有之權非有他意現將尊處已經正法一人可見力任保護勸其已派兩艦在甬無庸再添

寄濟南袁撫帥專遞京

六月十二日

法裕使萬急電請飛遞京總署軍機處電如下頃外部面言請貴大臣卽行電告貴國政府王大臣如各國駐京大臣及各使館人員並商民洋人等被害我國定要

中國政府抵命堅請勿改一字請轉署庚肅云

寄李中堂 六月十三日

峴香二帥商洋債事力止必不可行亦不可播六七兩月英德款月僅六十萬七局鹽釐款月僅五十萬東南力能爲之餘皆在閏八九月屆時夢已醒矣奉眞電宥字訣又切實加電江鄂一言可決

寄劉張兩督帥 六月十三日

奉眞電與余道密商萬做不到若一宣播徒啟戎心致礙長江全局幸英德款月僅六十萬六七兩月已備齊七釐局月僅五十萬均在兩帥轄內分解尙易其餘銀

款均在九月夢已醒矣余道說帖加函寄呈卽粵電宕
字訣也閱各駐使 寄諭似可從容復奏

又 六月十三日

小田切面交密件其文曰頃奉外部電開拳匪及幫助
拳匪之軍民人均係中國之亂民此次本國派兵爲彈
壓此等亂民救出使臣起見爲各國所知應請劉大臣
張制軍盛京堂密與東撫袁電商自提大兵或派幹練
之將與本國兵協同彈壓等因奉此查彈壓拳匪一節
向者由閣下合詞電奏在案專委洋軍恐與大局無益
中外合辦實與貴國有利敝國政府之意實在於此可

否卽與袁慰帥電商迅速從事此爲望切仍乞復示云
若果如此大局尙可轉圜能否密商榮相前聞伊藤託
人電鄂卽此說否

張香帥來電

六月十三日

頃閱六月初八日申報內力保安全一條內有惟
各國亦須遣兵北上勦匪一語萬分可駭豈非各
督撫請洋人攻京城耶照會內並無此語顯係報
館添捏務祈速令更正要緊要緊又六月初九日
中外日報傳諭報館一條亦謂東南各督撫等亦
同心抗阻云云抗阻兩字萬萬不可亦須一并令

其更正以免訛傳祈卽復

寄各省將軍督撫帥

六月十四日

頃據天津商局繙譯周某由津逃歸面稱五月二十一
早大沽台失午後團匪卽用礮轟擊租界洋兵調集抵
禦槍礮聲日夜不息直至六月初九該員離津尙未停
止租界雖有擊毀處而團匪官兵並未能進租界一步
洋兵因見團匪擊散有聶軍在內幫擊愈激眾憤遂將
西沽礮台製造局海光寺軍械局一齊攻據並稱確現
在大沽已有各國戰艦及魚雷艇運船大小一百餘號
陸兵已有二萬餘人聞各國徵調約在十萬以外自大

沽開戰起至現在止洋兵死者不過數百人官兵死者不下數千團匪死者數萬平民受害者無數真有屍橫遍野血流成渠之慘

寄劉張兩督帥袁撫帥

六月十四日

余道接滋帥函及程道許道所述頗以東南保護爲不然鑑茲到京如速難保無異議雖有三十會奏作底案其如團黨太烈何德王誓師必欲破京師英法告我駐使如傷各國使臣等必欲政府抵命敵愾如此張黨夢如此酣請再將留東南挽大局切實電奏並電慶邸榮相

寄劉峴帥

六月十四日

余帖明早必到寄外洋兩件是慶榮王手筆餘則端剛
趙所製參觀袁電及周緝譯稟可知東南方鍼不錯

柏林呂鏡宇星使寄江鄂兩帥電

六月十四日

兩帥力保長江彼族已信惟屢請盡力保護使館
係託空言德王注意在京似宜籌一切實辦法以
維繫之辦不到或當原諒否則連保護長江語恐
致生疑反掣東南之肘所關非淺逃秦陝事愚見
直陳乞宥元電未告袁復電亦未由海轉

寄李中堂

六月十五日

初七後命似難刻延同日電楊羅李三使國書俄曰前
年曾授李鴻章專使立有密約今爲時勢所迫幾致干
犯眾怒排難解紛望設法籌維執牛耳以挽回時局英
曰貴國以商務爲重今以互相猜疑時勢一變至此萬
一中國竟不能支恐各國中必有思其地大物博爭雄
逞志者於貴國商務得失可想日本曰東方只我兩國
支柱彼稱雄西土注意豈獨在中國休戚相關亟應暫
置小嫌共維大局其餘語意相同此電未播各領事口
氣必欲得其公使親筆信如無恙方能商量停戰議約
若不先說明師安能由津入京似宜一面電奏一面來

滬三國復電可到如定期安平可卽留用行轅已備

又六月十五日

洋兵到京尙需一月頃商各領事如各使尙存除德國外似可先議停戰之法或送中堂進大沽或送外使到上海彼此可商事機極迫務請師速到上海再籌進止愈遲愈難此正不俟駕而行之時矣

寄袁中丞

六月十五日

胡雲翁能知樞府情形何以初七同日諭旨兩歧如

此使館究派何軍保護何以一面保護一面攻打

寄粵江鄂東皖閩各督撫帥

六月十五日

京友霽電使館被攻甚急意在聚殲兵團任意焚燒殺掠東城尤甚等語洋人皆疑各使已死遞去國書恐必詰問何以彼使無信無論如何總須責成聶軍或宋軍保護使館各使存亡 宗社繫之否則雖百喙難辨如公使尙存應令各使將國書之意分電本國方能停戰排解乞諸帥先將此一事各自電奏請濟南慰帥繕摺六百里加緊飛遞 大清國脈在此一綫萬勿遲延

袁中丞來電

六月十五日

鹽電尊諭極是甚佩可約諸帥奏

又

六月十六日

兩歧事想一由 兩宮一由王公號令不一奉行甚難

寄粵江鄂東皖閩各督撫帥

六月十六日

鹽電擬件峴帥慰帥均願奏昨轉京霽電所云使館被攻甚急意在聚殲係總署總辦電來必確德王發兵二萬誓師必欲毀京師如果聚殲各國皆云無論行幸何處 乘輿必進躡政府必償命 宗社必滅裂不以公法待我東南亦必蹂躪然欲保各使必求 明詔派何人何軍專護使館並開導漪毅諸人務使兵民咸知殺使無益而有害各國咸知攻使是亂民救使是 聖意

速奏勿遲

寄京慶親王榮中堂

由東撫袁慰帥六月十六日

英領事霍必瀾云外部來電疑各使已不存欲探確耗
最好得其使親筆一信否則赫德明電亦可願出專差
電費萬兩竊思前奉 明諭使館仍極力保護各使果
存准其通一明信可使該國相信國書之意益確但恐
不存則各國憤兵殊難阻遏萬兩之說不足論請裁奪
如可行回電速交濟南袁撫專信則飛遞滬道

李傅相來電

六月十六日

既奉

旨催應到滬再籌進止局船祈催速來保

護使館前已迭次電奏各使卽存豈肯來滬就商
國書支飾斷難見信外人望轉告方兒

寄甯劉宮保鄂張制台粵李傅相閩許制台濟南袁中

丞

六月十七日

峴帥治電諫電悉救使事昨已復茲又將尊電託慰帥
轉榮但將電內係總署總辦來電必確九字又並開導
漪毅諸人七字刪去內意仍未決政出多門奏恐激成
內變不若榮可設法密陳云乞慰帥轉電達慶邸榮相
寄江鄂粵閩皖東督撫帥

六月十七日

咸諫兩電請將救使一事各自電奏恐遲誤也頃慰帥

電十一京信兵民合攻使館現成騎虎用大礮攻轟諸使與宗社同危等語各領事皆接國電如其公使亡必不罷休無論如何乘輿必追躡政府必償命宗社必滅裂不以公法待我卽請慰帥照諫電酌安六百里加緊會銜入奏粵閩甯皖均願列銜香帥想亦必允請勿遲疑

寄杭州劉中丞惲方伯

六月十七日

諸暨土匪望速派得力將領彈壓並派能員解散否則洋艦必藉口攻浙幸勿輕視

寄蘇護撫聶仲帥

六月十七日

雲秋與浙將習諸暨事請密商示復

惲方伯來電

六月初七日

翰電力爭上游已諄勸景帥電鄂頃讀香帥銑電
推闡尊意字字斟酌真可宣示中外解釋猜嫌此
公洵大手筆也彝卿因浙事費神勞步官民同感
弟另有所求不知能俯就否合肥何日到滬餘函
詳

袁慰帥來電

六月十七日

頃有人十一日自京來述兵匪合攻使館久不克
現成騎虎用大礮攻轟諸使與宗社同危萬分

焦灼

鄂督寄東京李星使電

六月十七日

昨日敝處又會劉峴帥袁慰帥及各督撫銜電奏
力請勦匪並會銜另電慶邸榮相請力任勦匪恭
讀初三日寄駐使 上諭有現仍飭帶兵官保護
使館此種亂民自行設法相機懲辦之語此次電
奏當荷俞允京城內外匪徒必須就近諸軍勦辦
方能迅速袁在山東既有地方之責未經奉 旨
斷不能分兵入京辦匪且亦緩不濟急此時惟有
請日本外部商諸各國暫停戰事俾北京天津諸

軍可專心勦匪最爲救急良策卽祈轉達電復

寄閩督許筠帥

六月十八日

温州啟守忽出示袒匪禁教並賞拳匪頭目頂戴致温州領事稅司洋教士驚駭附輪來滬殊於保護關礙應請迅電景帥撤回啟守並聞溫處王道於交涉素不了然值茲多事必須道府得力方能保全大局乞酌

寄江督劉峴帥鄂督張香帥川督奎樂帥

六月十八日

各國領事素佩樂帥來詢川省是否一律互相保護如允請卽電余道照會等語川中教堂甚多如允保護令其歸并保房產較保人命輕易乞樂帥裁示

袁慰帥來電

六月十八日

會奏銑電峴帥催速繕發已列尊銜馳遞

王灼帥來電

六月十八日

京師危急救使最要盡籌關係大局峴香兩帥卻有敷陳與尊電意同想香帥必願列銜宜催袁帥速奏遲恐無濟

劉峴帥來電

六月十八日

黑龍江將軍來電京津情形仍無確耗奉省近因俄在鐵嶺阻隔信不通者七日屢電楊欽差據俄外部復稱現在拳民四起擾及路工地方官不能

彈壓除飛速進兵保護兼助平亂別無他法山因禍在目前俄督撫及監工人等又稱和好如故特商彼此撤兵各釋疑忌乃十五夜省西富拉爾基監工蓋爾肖甫等自焚房屋壞我電線乘火車逃往哈爾濱今晨復有輪載兵數千南下哈爾濱來電誣我攻擊故迫逃鐵路惟我是問等語此刻情勢萬緊迫我太甚乞將各情登報以辨曲直東北戰事山力任之南中如何便示爲禱壽山洽云俄意在尋衅然大局正在喫緊若再開仗益難收拾已電復穩慎和商切勿孟浪可否將來電各節由

尊處酌刪登報勿露敝署所囑免生枝節乞卓裁

張香帥來電 六月十八日

屢得四川奎樂帥綽將軍陝西端護撫福州善將軍電凡有關大局事意見均同并託鄙人挈銜以後凡有要電務祈一并轉電四處俾諸公早知朝勢情形各抒所見及早電奏

寄東撫袁慰帥

六月十八日

昨請寄慶榮王虎城霰電略敘迭奉

寄諭

明旨宗

旨兩岐無所適從英日美外部電尙願中國自平內亂再議排解現值津京發水趁此工夫莫如內外合謀分

別自辦尙可挽救然非邸相獨對切陳請發 密詔外
臣無從助力李相北來亦同歸於盡如當 聖意須將
暴軍調出禦敵聶軍調京護衛如有 密旨令疆臣中
有兵力者約期入衛秉承廟謨不動聲色內亂一平外
衅自解等語如能得此一 旨全局始有把握雖各使
無存亦有辦法合肥老矣旋乾轉坤中外推公否則山
東已在他人掌中中朝外國土匪三面受逼公其危矣
諫電李相靜帥灼帥均願列名香帥曾奏賤名可列
寄福州許制台江甯劉制台杭州劉中丞惲方伯
日滬道余會電

温州啟守招致拳民賞給道人許阿雷頂戴甌領事稅
司逃回各國以閩浙甫定互保之約劉中丞親電法領
事力任保護乃有該守招拳印示稱奉撫院批准顯與
新約相背恐全浙不保兼礙東南大局非卽撤任不能
止禍務請景帥速派幹員接署速來滬附輪往甌或飭
前署之員先行暫署並請電飭解散現已一面函致各
領事告以啟守業已電請撤換以緩兵艦前來請勿再
誤

袁慰帥來電

六月十九日

津探報聶軍門十三日戰竟日在城南八里台中

傷三處腸流陣亡痛甚

又 六月十九日

自奉明發匪徒四起調去北援兵四千左右吾
無從布置迭經嚴飭各屬終無益容再竭力設法
十二日後無京信大約使館非一時能克如能採
諸帥所請尙可保全

李傅相來電 六月十九日

十三函件詳悉一切香帥救使會摺及峴帥洋款
會摺均已電催慰廷速奏粵中紳民領事攀留甚
切然不敢刻留二十一趁安平起程到滬後或得

避囂遣暑各使不救將何之

英霍領事致江鄂兩督電

六月十九日

頃奉本國政府電諭令轉達貴大臣現在保全中國惟視各疆臣之能安靖地方與否本國非特決無瓜分之意并未聞別國有此舉動等因貴大臣接到此電請卽分致各省

東京李欽使來電

六月十九日並電滬道

頃日本外部侍郎面交日主恭答國書一道其文曰大日本國大皇帝復大清國大皇帝杉山書記生被戕之前已傳聞未得確耗可據頃接國電

始悉其事的確良深悲歎邇來北方團匪日益猖獗妄動亂舉無所不至現駐北京各國欽差暨各署員等被其繞圍攻擊並聞某國使臣已被擊殺而貴國所派官兵不能救護使臣又不能彈壓匪徒殊不知公法有言外交官之身尊而不可犯之理如於使臣之身稍加冒失已違公法況於殺害使臣乎當此時貴國政府如果實力勦平匪徒救護現存各使臣則餘事自應易辦此乃大皇帝目下對中外應盡之責斷不可躊躇自上月以來各國將大兵派往天津日本亦不得不調派兵員至

該地此係專爲彈壓匪徒救護使臣起見並無他意是以貴國政府如能趁早將各國使臣等救出圍繞之中則足見貴國政府不願與各國開衅之據至應減少貴國禍端日本政府與貴國政府素敦睦誼如有實爲緊要時日本亦不敢辭其效勞因而貴國政府若迅速力爲彈壓以表救護實據則日後與各國商議之際日本自應從中出力保護貴國利益也茲特具專電肅復惟大皇帝鑒之明治三十三年七月十三日理合電呈伏乞聖鑒請代奏再此電滬道及盛大臣兩處轉遞以期妥

速合并聲明

寄粵督李中堂 六月二十日

師到滬後行止當以各使存亡爲斷領事均慮粵事難保如有匪亂法必襲取俄已借端在東三省啟釁請密商靜帥與總鎮司道及領事約明一意互保萬勿動搖以保全粵相節是否二十一安平來滬乞示

寄江督劉帥鄂督張帥 六月二十日

日來局船由津沽載回華人甚多據稱因華兵礮轟租界彼將盡洗津城洩忿頃會兩帥電多駐使云各使竭力設法保護十三京信尙好天津城市若毀百年難復

請各國保全關係中外商務李相調北洋云倘能邀允亦關陰陽用敢先發

又六月二十日

小田切奉外部電據李使云李劉張三制軍意欲派兵勦匪仍請外國退兵等語退兵須各國君互派全權使臣方能商議此係通例仍飭滬總領事切告三制軍此時急派將士勦辦抗命仇洋之團匪無庸遲疑各國聞之必以爲德本國有厚望云特聞

寄各國駐使

六月二十日江鄂兩帥會電

各使竭力設謀保護十三尙好天津城市若毀百年難

復請各國保全關係中外商務李相調北洋

寄袁慰帥

六月二十日

聶軍傷亡之餘何人接統津戰甚緊馬軍門在津否

寄劉峴帥

六月二十日

傅相調直督已見電 旨今日由港來聶陣亡確

寄袁慰帥

六月二十日

號電幸我同心離京是否專指千里抑指 萬乘請將

虎電酌安代作密書專送不必再商仍用省心叩清語

恐遺忘聞西兵將從榆關入京似須附告合肥二十五

必到

又六月二十日

皓電慎重甚佩保定來榮相三十復江楚各帥電云來
電敬悉以一弱國而抵十數強國危亡立見兩國相戰
不罪使臣自古皆然 祖宗創業艱難一旦爲邪匪
所惑輕於一擲可乎此均不待智者而後知也區區力
陳利害竟不能挽回一二後因病不能動轉假內上奏
片七次無已勉強力疾出陳勢尤難挽至諸王貝勒羣
臣內對皆眾口一詞諒亦有所聞不敢贅述也且
兩宮諸邸左右半係拳會中人滿漢各營卒中亦皆大
半都中數萬來去如蝗萬難收拾雖 兩宮聖明在

上亦難扭眾天實爲之如之何哉嗣再竭力設法轉圖以圖萬一之計始定在總署會晤冀可稍有轉機而是日又爲兵匪將德國使臣擊斃從此則事局又變種種情形千迴萬轉筆難盡述慶邸仁和尙有同心然亦無濟於事區區一死不足惜是爲萬世罪人此心惟天可表慟慟

本朝深仁厚澤惟有仰

列聖在天之

靈耳時局至此無可如何沿江岸勢必戒嚴尙希密爲布置各盡其心祿泣電復等語參觀三十電 旨勦之則恐禍起肘腋只可用之徐圖挽救數語痛心竊料

慈聖必不終受鼓惑苦於無人能救公細味電 旨

及榮電自可無疑 老佛辣手只要有辛酉十月手
段一舉可定然慶榮無人幫助勢不敢舉而外臣不奉
詔理不能行故非先請 密旨不可虎城只慶榮有此
本二公得此電亦必細審 聖意合則代陳不合置之
而已必不害我至近日殲使乃由於彼勢成騎虎以爲
不如是恐禍不在國而在彼也虎電全錄不妥處乞酌
改速示再用虎本另寄

劉峴帥來電

六月二十一日

函摺均悉肝膽識略令人敬佩得請方有辦法津
信如確事機更迫奈何

寄袁慰帥

六月二十一日

救使事擬電剛趙必比榮王得力乞閱後速遞文曰吏部剛中堂刑部趙尙書同鑒聶提督陣亡天津失守機局武庫均毀兵團雖能戰子藥不繼民氣一餒恐難復振各國現調精兵不下十萬餉械數十船裝足皆以救使勦團爲名聞諸國會議若公使不致死尙肯停戰德王獨憤激尙可勸解若聚而殲之各國皆怒必到京城報復盡毀所有屆時國難身難何堪設想爲今之計擬請勸諭兵團暫釋使館之圍勿致其死要知一國死一使臣何損於彼徒增彼忿而重吾禍如 朝廷欲其停

戰須令各使臣電致彼國再由上海各總領事設法勸解不難了結宣蒙明公厚愛不敢知而不言如蒙鈞示請六百里遞濟南慰帥轉電甚速

寄北京慶親王榮中堂

六月二十一日
劉鄂督張會電

粵督李江督

迭奉 明旨 寄諭宗旨兩歧無所適從如五月三十

日 諭述萬不得已之苦衷六月初三日 寄諭出使

各國大臣初七日寄三國國書核與初七 明旨將和

之一字先行掃除於胸中初八 明旨招集天津水會

招撫拳民同讐敵愾顯分兩意此次兵衅各國所指主

謀肇亂者不在 兩宮卽日洋兵大集鼓勇入京其

辦法當酷於朝鮮大院君之役倍蓰事機已迫莫如內
外合謀自行妥辦尙不至不可爲國然非中堂與慶邸
獨對切陳請 兩宮速發衣帶詔外臣無從下手卽
鴻章遵 旨北來亦同歸於盡彼此牽掣東南大局亦
必不可保疆吏死不足惜如三百年 宗社億萬眾
生靈何披瀝密陳迅候指揮間不容髮泣盼 乾斷鴻
章數日到滬候密 旨卽與坤一等籌商

劉峴帥來電

六月二十二日

津破京危內閒必有大變局傳相到滬宜速籌解
救策遲則無及東南若能保護安靜目前似暫可

無礙惟洋款事雖已會奏准否難必各省匯號不
通道路梗阻卽邀准亦斷難如期解到英德款三
十天一期俄法款閏月卽屆有數百萬之多無論
如何江南萬無此力屆期失信仍是不了之局傳
相到時望詳陳一切務請預爲之計東南安危在
此一著

寄袁慰帥

六月二十二日

簡電承酌函送三督亦深盼得請方有辦法華伯面交
長電宗旨尙合但改西爲南較勝在不怕刼制乞酌妥
函送右文須催速行請切陳速發 密詔遲則不及楊

電云慶王爺鈞鑒三月二十六叩別不料奇變將危

宗社北望心膽俱碎聶軍門陣亡天津失守合肥雖
簡直督手無一兵二十五到滬驟難北上津沽礮臺機
器局西沽武庫全失子藥絕無來源安能久支洋兵添
調計及十萬長驅北犯如 二聖倉卒西行洋兵已
備繞襲恐至進退兩難各省匪徒蜂起全局瓦解讀連
日 諭寄口氣不同 二聖定受刼制王爺竭力保
護公使洋人欽感倘得各公使親筆一字傳示洋人卽
可停戰滬上各領事新加全權可見各國不與 二
聖爲讐速請密 旨勦匪合肥卽可奉此 旨以定大

局如慮變生肘腋請召東撫迎駕暫時南行卽所謂金蟬脫殼調虎離山之計伏乞留意東南疆臣聯絡保護聞各國尙遷就以全商務設有意意外則洋人無所顧戀萬難言和冒昧密陳電請東撫繕寫專使賞呈敢求密奏如有電諭卽付來使帶東轉發崇伊滬上叩稟二十二信面寫楊崇伊謹呈飭專使詳告門口當可無阻

寄福州善星源將軍武昌張香帥

六月二十二日

星帥號電甚佩鑑帥十七過濟南卽可到京應請香帥商會各帥入奏黑龍江已與俄兵開仗奈何

寄劉張兩帥袁慰帥

六月二十二日

邱春電云華兵由齊齊哈進兵將海蘭泡對河俄國巴拉哥威盛地方轟燬俄兵卽將海蘭泡城燒燬云

美京伍秩庸星使致江督電

六月二十二日

欽遵初三 電旨詳達外部並將洋兵不應攻佔礮台切詰婉諷現美廷聲明北京有警各督撫如能認真保護各國人民美人認與和好茲定辦法一救在京美官員教士商民二保護中國各處美國人民財產三保全應得權利四助勦擾亂惟望中國平靖保全疆土共敦睦誼經電駐各國美使轉達政府均無異言但各國最重使臣伏乞 諭

飭保護以免中變容俟隨時偵探密陳請代奏又
號電商外部允全津城須與各國籌商現以得各
使手函爲要也乞轉總署李相香帥杏翁

寄劉峴帥

六月二十三日

壽眉峯已開仗德毒俄狠英日懷疑傅相恐無策解救
洋款奏稿請密寄必當面酌

劉峴帥來電

六月二十三日

德靜帥來電云安靜地方疆臣責無旁貸惟洋情
時有變更不得不加意嚴防聞尊處暨浙閩鄂與
滬上各領事互訂保護章程粵省是否在列如傅

相未曾開會尙祈卓裁附人等因乞查酌與靜帥
電商辦理爲禱

寄江鄂督帥 六月二十三日

濟南有人來電海城十九過此力主戰議極斥沿江辦
法謗公尤甚並云勦匪電奏張未與商可恨其立論與
剛毓同云

寄俄京楊子通星使 六月二十三日

香接十五信使尙存慰電止云危險無確耗

寄江督劉峴帥粵督德靜帥 六月二十三日

峴帥轉示靜帥電詢一節查粵不在滬議之列粵境匪

盜甚夥保護有無把握傳相與粵領事有無成議請靜帥酌示

寄東京李木齋星使

六月二十三日

慰電使存惟圍甚急迭探難得確信傳相調直二十五到滬進退維谷

寄倫敦羅稷臣星使

六月二十三日

慰電使存惟圍甚急迭探難得確耗

俄京楊星使致李傅相電

六月二十二日發二十

鈞麾抵滬諸事應手爲念迭發咸諫效寄四要電均達鑒否東省各將軍儒旣告以國書暨俄主復

電深盼保全東省鐵路并切屬堅定勿生枝節而
壽將軍來電輒稱如俄兵來定將轟擊今據吳克
稱海蘭泡向由愛琿統領派兵攻擊彼兵無意開
衅我先越境尋讐實堪駭異又長將軍電有 諭
旨主戰之語豈矯詔已到奉省儒急電戒勿輕動
致損事機而激變局不肯見聽否乞速電力阻爲
要

寄蘇甯皖鄂清江濟南各督撫帥

六月二十四日

天津失陷華兵約一萬拳匪約二萬五千與各國聯合
軍苦戰十六點鐘死亡不計其數西軍只傷死七百十

五名又聞拳匪均帶械逃走潰匪散勇勢必南竄東豫當其衝江蘇皖鄂連界之處似宜紮重兵堵截並照三十一諭旨曉諭以免本省土匪勾串外匪滋事乞酌

劉峴帥來電 六月二十五日

伍使敬電云美得康使安電甚喜惟稱匪困甚危經與外部切商現願我軍均同拯救各使轉機可望乞與中堂各帥速籌良法示復冀紓大禍等語目前辦法必須由美入手中堂在粵本有美派鐵艦送津之說敬佩中堂當可商助祈速籌電示

張香帥來電

六月二十五日

傳相到滬想已見宗旨如何隨行幕僚何人由何
路何日行能與各國先商停戰否速示

倫敦羅稷臣星使來電

六月二十六日

祈轉總署慶王爺頃得康電英比外部均盼寶屠
兩使耗祈飭取兩使密電寄洋至懇

又六月二十六日

英比外部盼寶屠兩使電祈公設法取寄至感

寄濟南袁慰帥

六月二十六日

貴軍入援四千現紮何處統領何人天津失後有無戰
事宋馬全軍紮何處董軍京內京外如何分紮聞西軍

尚有所待

寄粵督德靜帥

六月二十六日

昨商傅相似在粵未立約公說有把握容與總領事一
商近因衡州温州鬧教湘浙頗爲難如辦匪不鬆勁洋
兵似可不至

寄江鄂兩督帥

六月二十六日

兩日與傅相密談吾夢未醒彼忿未洩勢難停戰旣無
開議憑據難入津門恐只能遵 旨陸行幕僚王子展
劉問芻曾敬貽徐次舟而已津陷後兵匪盡散無戰事
寄美京伍秩庸星使

六月二十六日

有電相意頗悅救使勦匪能否倖戰變法維新能否洩
忿兵不進京美能否約英日法代轉圖乞密示康電仍
由袁寄

寄東京李木齋星使

六月二十六日

外部密電已託慰帥遞署轉交西使德

寄俄京楊子通星使

六月二十六日

外部密電已請慰帥遞署交使如有回電卽轉

寄袁慰帥

六月二十六日

稅務司求寄赫德洋文明電請速寄慶邸轉交美國得
康使電甚感謝今俄日美各電乞函請邸取復此卽緩

兵轉圖之計

袁慰帥來電

六月二十七日

頃接京友二十二夜書十七日中軍拏獲使館送信護兵今榮相奏請用此人遣書慰問各使英使復稱各使無恙均願太平嗣派總署員文瑞往晤各使均出見未損一人擬明日奏請先送食物再商派孫萬林隊伍送赴津御河橋南洋兵守北甘軍守彼此均停槍礮云榮相從中周旋極爲難

寄袁慰帥

六月二十七日

沁電已摘轉各駐使如能送各使到津似可自任勦匪

商酌停戰傳相擬由陸行恐在西兵入京之後奈何

寄倫敦羅星使東京李星使

六月二十七日

二十二京信總署派文瑞往見各使未損一人榮擬奏
請先送食物再商派隊伍送赴津御河橋南洋守北董
軍守彼此均停槍礮云如送出使臣能否停戰請速轉
楊呂裕伍

寄袁慰帥

六月二十七日

滬道代遞國書所列第二款若端剛見之恐激成急變
盡殲各使以保自身請專寄慶榮爲要

鄂督致各省督撫電

六月二十七日

頃接江甯電局委員廖壽熙電稟各省督撫一件
內稱見十七十八兩日報登常州孫保維上敝處
書備陳利害云云想諸公亦經入覽查孫保維不
知何許人向未識面亦並無書來檢閱十七十八
中外日報所登孫書議論狂悖直欲激成不測之
禍實屬悖逆之語乃該委員膽敢爲之推波助瀾
冒昧妄瀆通電各省旣云原書未足盡憑又云酌
采其說若非喪心病狂何荒謬至此已電請劉峴
帥盛京卿嚴查撤參恐諸公未悉其詳特此馳告
此等狂吠之詞幸共斥之盼甚

劉峴帥來電

六月二十七日

傅相單騎北上措手不易現正商鄂會各省電奏請派傅相全權在滬商辦望暫勿告知

袁撫帥來電

六月二十七日

夏辛酉帶東軍往駐滄州現遵旨赴北倉與馬宋台軍津失後未聞有戰事董軍仍在京

劉峴帥來電

六月二十八日

鎮江現泊英輪三艘爲向來所未有人情不免驚疑請告霍總領事撤出二隻只留一號以符原議而定人心候電復

袁撫帥來電

六月二十八日

沁電有同見此電係國書慶榮亦難自秘然一露
必激變愈難收拾如能不寄或緩寄方妥容審籌
設法

寄袁慰帥

六月二十八日

稷臣來電歐洲盼各使電祈公設法於大局極有益赫
夫人寄總稅司電列下務求轉到取復

又

六月二十八日

國書原難秘然不可擱法頗欲停戰若擱必詰問請另
加函數語寄慶榮自必斟酌如能獨對或有轉機

袁慰帥來電

六月二十八日

赫電寄總署交現交民巷仍在圍中非請 旨不敢私通信除由各使電催總署索復外別無法可設如我輩代人催復必將以奸目之

李木齋星使來電

六月二十八日

停戰屢商青木舌敝唇焦議迄未就伊藤謂由都中派人赴連合軍議或可行等語此次亞與歐戰日亦亞邦防歐疑故赴戰則勇議款則避嫌鄙意停兵莫如商美東報云此番結局當以美爲公正判斷人意可概見頃矢野言各使既存宜速令與

連合軍通函或先送一人至津庶各軍不疑怒可
漸解然後徐議停兵語似有理總之殺使不足示
威徒以激怒且禍起於相疑自以開誠爲解結要
著若使出而彼仍進兵曲愈在彼十數國中或亦
有持公論者卓見以爲何如乞呈傳相並轉慰帥
遞呈榮相爲荷

又六月二十九日

連合軍總統係俄提督阿累克修甫日統將係福
島安正張燕謀聞在津識福島送使事似可令與
福島商宜速乞裁酌並託慰帥轉達榮相爲荷

江督劉峴帥來電

六月二十九日

現計淞滬及長江各口英艦已有十四五艘鎮江三艘民心尤滋疑慮務祈照昨電婉商爲荷

又

六月二十九日

奏稿語語懇摯沈著欽佩之至惟弟昨甫會香帥及閩粵川東浙蘇皖等省奏請授李相全權亦係以力保京城立言與尊指略同似未便再行具奏張香帥致李傅相劉督帥電

六月二十九日

擬會中堂峴帥尊銜復上海英總領事一電其文曰昨接來電承示沙侯電不特英國無瓜分意卽

他國亦未聞有此意屬布告中國以安人心等語
深感貴國有安輯中國民心之美意惟究近年亂
萌之起皆由黨人布散謠言離間我 兩宮誣
謗 皇太后滬上華洋各報爲之傳播人心惶
惑致生種種事變不利於中國兼不利於各國甚
至近日或疑 朝廷袒匪不知我 皇太后訓
政三十餘年素多善政尤重邦交豈有袒匪之理
不辯自明 朝廷種種爲難情形各國未能深悉
耳我中國以孝治天下臣民共戴 兩宮無稍
異視不特臣民尊敬 皇太后亦如英人之尊

其后 皇上又加有母子之恩尤極尊敬 皇
太后我 皇太后之心不安則我 皇上之心
亦無以自安現東南各省極力彈壓遵 旨保護
洋人然假使各國不尊敬我 皇太后 皇上
薄海臣民必然不服以後事機實難逆料兼遣委
員與漢口英領事談論及此英領事亦深以爲慮
並云近年各國多聽上海各報調傳幾信以爲真
不知中國真情如此已電達外部等語英領事詞
意甚爲真切務請貴總領事詳查須知黨人謠謗
全非中國之實事尤非中國臣民之公言嚴禁上

海香港及南洋各埠報館凡有語涉謗毀我

皇太后者立飭查辦並請於洋文報紙一律示禁

蓋我中國尊敬 兩宮並無異視亦望各國於

我 兩宮均必尊必敬則中國人心不致爲所
激動各國見聞不至爲所熒惑禍亂之端或可稍
戢卽望電達沙侯並盼貴總領事示復鴻章坤一
之洞同電等語此係因英領事來電迎機而導惟
措詞是否妥協務祈中堂峴帥酌定速示

寄東京李星使

六月二十九日

勘豔電相閱甚佩已電袁轉榮使尙被圍榮力孤昨約

各帥會請送使與尊指合

寄張香帥 六月二十九日

二十三咨明鄂界不准沙多停工頃聞三段洋人均回漢係因各教士回滬致謠言四起沙多函稱停辦之路工局所如何保護均中國之責乞派岑道鄭道傳諭洋人毋庸畏怯否則停工後仍須嚴慎保護漢信已用款千餘萬賠修不易從此盧漢無再成之日是在公力保全

寄劉張兩帥 六月二十九日

今日字林報載聞香帥對人言十日外恐壓不住手下

兵丁聞兵丁將武昌礮台對漢口帥將礮門棄之水又說江陰要放水雷此等謠言不息恐難止其兵艦乞速詳復俾可傳示領事

寄劉峴帥

六月二十九日

鎮江兵艦已允撤一留二申江多留乃預備長江兵民滋事隨時可相助彼等問吳淞何以添兵此必非防匪者頃商余道似可不添免其疑慮候示

又

六月二十九日

傅相全權已先會奏幸甚但必先送出各使今袁電交民巷尚在園中非請旨不准送信傅相云恐尚未必

聽從奏稿請鈔寄桂撫之件傅相願擔當攜起已電慰帥斟酌

寄劉張兩帥

六月二十九日

十三奉 旨李鴻章已調補直隸總督著該督自行酌量如能借坐俄船由海道北上尤爲殷盼否則卽由陸路兼程前來勿稍刻延是爲至要欽此傅相已奏報到滬俟腹瀉愈卽由陸行

粵護督德靜帥來電

六月二十九日兼致江鄂督

接兩帥勘電准慰帥電稱京師滿廷主戰請派傅相全權一節擬從緩辦又接盛京堂電擬四不宜

克勤公集 卷二十一
戰請兩帥主稿會奏等因審機觀變痛哭批鱗本
所不避或應緩辦或宜急陳惟乞權衡酌奪壽總
願附驥尾也仍復爲禱

浙撫劉景帥來電

六月二十九日

勘電佩悉大局日急蓋籌極當已電江鄂東三處
請附名

福州善星源將軍致江鄂督帥山東撫帥電

六月二十九日

杏翁勘電讀之淚下求率同聯銜陳奏

劉峴帥來電

六月二十九日

桂撫此奏幾於擾亂全局然使不代轉遞彼將以
隱匿奏章具劾內閣詰問我將何詞自解是大不
妥廷藩處電萬不可追撤請尊處卽電慰帥照桂
撫原電轉京能於未轉前先密致榮相設法維持
得該件用留字訣最妙若竟奉准亦惟有再行會
奏耳

寄江鄂劉張兩帥 六月二十九日

楊電轉京軍機處俄外部急欲各使與本國通電別無
所云現在各國議論看法均以津沽戰事係與亂匪對
敵並非與中國開仗請勿誤會惟盼我軍速將亂匪平

定便易辦理若使各國兵到齊恐有變局可危之至請
轉達儒豔云謹聞

劉峴帥來電

六月二十九日

字林洋報所載全係子虛斷不必信

美京伍星使寄江督電

六月二十九日

國書欽遵呈遞茲外部賁送美總統復書謹譯呈
大美國大伯理璽天德問大清國大皇帝好奉光
緒二十六年六月二十三日國書荷蒙大皇帝鑒
察敝國願敦睦誼持平辦事之衷實深欣幸美國
派兵在中國登岸原爲救衛使館保護寓華商民

財產按照條約公法應享權利起見各國派兵亦同此意均經聲明閱惠書知中國亂匪騷擾戕害德使及日館書記圍困各使違上作亂並非貴國

朝廷袒縱謹擬辦法切盼施行一願貴國將駐京各使臣現在情形宣告各國二立准各使臣與本國任便通信仍切實保護俾免驚險三諭飭各大員與各國兵官會商協救使館保護各國人民倘蒙允行則此擾亂各事不難與各國妥商了結各國如允敝國調停敝國樂爲貴國加勞敬布悃忱伏祈省覽西曆一千九百年七月二十三日請

愚齋存彙

卷三十七

五

轉總署代奏并轉傳相各帥杏翁

愚齋存彙卷第三十七